

Broj: 736-1/23

Datum: 14.07.2023. godine

**PRAVILNIK O PLAĆANJU ŠKOLARINE UČENIKA KOJI POHAĐAJU  
IB MIDDLE YEARS PROGRAM I IB DIPLOMA PROGRAM U JU  
DRUGA GIMNAZIJA SARAJEVO**

Član 1.

Ovim Pravilnikom se uređuju pitanja plaćanja školarine učenika koji pohađaju IB Middle Years Program (u daljem tekstu: IBMYP) i IB Diploma Program (u daljem tekstu: IBDP) u JU Druga gimnazija Sarajevo.

Član 2.

- (1) Roditelji-staratelji (u daljem tekstu: roditelji) učenika koji pohađaju IBMYP i IBDP su za školovanje njihove djece u ovim programima dužni plaćati školarinu.
- (2) Visina školarine koju roditelji plaćaju za školovanje svoje djece se definira na osnovu programa koji učenici pohađaju i državljanstva pod kojim su učenici upisani u ove programe.

Član 3.

- (1) Školarina za učenike bosanskohercegovačke državljanke koji pohađaju IBMYP iznosi 1.500,00 KM godišnje, odnosno 3.000,00 KM za pohađanje oba razreda ovog programa.
- (2) Školarina za učenike strane državljanke koji pohađaju IBMYP iznosi 6.000,00 KM godišnje, odnosno 12.000,00 KM za pohađanje oba razreda ovog programa.

Član 4.

- (1) Školarina za učenike bosanskohercegovačke državljanke koji pohađaju IBDP iznosi 2.500,00 KM godišnje, odnosno 5.000,00 KM za pohađanje oba razreda ovog programa.
- (2) Školarina za učenike strane državljanke koji pohađaju IBDP iznosi 10.000,00 KM godišnje, odnosno 20.000,00 KM za pohađanje oba razreda ovog programa.

Član 5.

Učenici strani državljanke stipendisti nekog od programa razmjene učenika koji uz saglasnost Ministarstva za odgoj i obrazovanje Kantona Sarajevo pohađaju IB programe u JU Druga gimnazija Sarajevo mogu pohađati iste plaćajući školarinu u visini definiranoj za bosanskohercegovačke, a ne strane državljanke.

Član 6.

- (1) U drugom razredu IBMYP-ja, odnosno četvrtom razredu IBDP-ja, najviše tri učenika drugog i najviše tri učenika četvrtog razreda mogu biti oslobođeni plaćanja školarine za tekuću školsku godinu u njenom cijelom iznosu.
- (2) Odluku o oslobođanju od plaćanja školarine, kao nagradu učenicima za uspjeh u radu i ponašanju u prvom/trećem razredu, donose zasebne komisije za svaki program, a koje

sačinjavaju direktor škole, koordinator IB programa, IB pedagog-psiholog i razrednici odjeljenja drugog/četvrtog razreda IB programa.

- (3) Komisije odluke donose najkasnije 15. oktobra za tekuću školsku godinu, a na osnovu posebnih jasno definiranih kriterija koji mogu uključivati akademske rezultate učenika, njihovo ponašanje u školi, angažman u vannastavnim i društveno-korisnim aktivnostima.

#### Član 7.

- (1) Školski odbor, na prijedlog direktora, može osloboditi roditelje učenika plaćanja školarine u novonastalim objektivnim okolnostima u kojima je jasno da roditelj više nije u mogućnosti izmiriti ugovorom preuzetu obavezu plaćanja školarine.
- (2) Okolnosti iz prethodnog stava roditelj dokazuje odgovarajućom dokumentacijom (kućna lista, sudski ovjerena izjava koja precizira bankovne račune koje roditelji posjeduju i bankovni izvodi tih računa s pregledom stanja za prethodnih šest mjeseci ili druga relevantna dokumentacija).

#### Član 8.

- (1) Roditelji učenika koji pohađaju IB programe u JU Druga gimnazija Sarajevo, a koji su radnici JU Druga gimnazija Sarajevo, oslobođeni su plaćanja školarine za svoje dijete, sve dok su radnici ove ustanove.
- (2) Radnici iz stava (1) ovog člana moraju podnijeti pismeni zahtjev Školskom odboru da bi ostvarili navedeno pravo.

#### Član 9.

- (1) Ukoliko IB programe u JU Druga gimnazija Sarajevo istovremeno pohađa dva ili više učenika iz iste porodice, školarina za drugo i svako sljedeće mlade dijete se umanjuje u visini od 50% u svakoj školskoj godini u kojoj učenici iz iste porodice istovremeno pohađaju IB programe,
- (2) Roditelji iz stava (1) ovog člana moraju podnijeti pismeni zahtjev Školskom odboru da bi ostvarili navedeno pravo.
- (3) Umanjenje o plaćanju školarine iz stava (1) ovog člana se ne odnosi na strane učenike za koje troškove školarine pokrivaju diplomatsko-konzularna predstavništva ili druge međunarodne vladine i nevladine organizacije kod kojih su njihovi roditelji-staratelji uposleni.

#### Član 10.

- (1) Ukoliko učenik prekine svoje školovanje u IB programu za vrijeme trajanja nastavne godine, roditelji učenika dužni su uplatiti školarinu u iznosu proporcionalnom broju polugodišta koje je u toj nastavnoj godini učenik započeo kao učenik IB programa.
- (2) Ukoliko učenik svoje školovanje u IB programu prekine prije završetka prvog polugodišta, roditelji učenika dužni su uplatiti pola visine školarine za tu školsku godinu.
- (3) Ukoliko učenik svoje školovanje u IB programu prekine nakon početka drugog polugodišta, roditelji učenika dužni su uplatiti školarinu za tu školsku godinu u njenom punom iznosu.

Član 11.

- (1) Roditelji se na blagovremeno uplaćivanje školarine obavezuju potpisivanjem Ugovora o plaćanju školarine po upisu njihove djece u IBMYP, odnosno IBDP.
- (2) Prema Ugovoru o plaćanju školarine roditelj je dužan školarinu za svaku školsku godinu uplatiti za vrijeme trajanja nastavne godine. Školarina se može uplatiti u svojoj ukupnoj visini, po polugodištu ili u mjesečnim obrocima.

Član 12.

- (1) Školarina se uplaćuje isključivo bankovnim putem, preko Jedinственог računa Trezora Kantona Sarajevo, u skladu s podacima koje škola dostavlja roditeljima učenika zajedno sa Ugovorom o plaćanju školarine.
- (2) Za uplate unutar Bosne i Hercegovine školarina se uplaćuje isključivo u konvertibilnim markama (KM). Za uplate iz inozemstva, školarina se uplaćuje u eurima (EUR) u iznosu koji predstavlja protuvrijednost visine školarine izražene u KM po srednjem kursu Centralne Banke na datum izdavanja fakture ili izvršenja uplate.

Član 13.

- (1) U okviru školarine učenika uključeni su svi pojedinačni troškovi koje JU Druga gimnazija Sarajevo u ime učenika ima prema International Baccalaureate Organization i korištenje svih domaćih i stranih udžbenika neophodnih u nastavi koje učenici posuđuju iz školske biblioteke, a koje po završetku nastavne godine vraćaju u školsku biblioteku.
- (2) U slučaju ponovne prijave za polaganje završnih ispita u IBDP-ju, roditelji učenika dužni su prijavu za polaganje ispita platiti u skladu s cijenama koje za svaki ispitni rok propisuje International Baccalaureate Organization.

Član 14.

Ukoliko roditelji učenika IB programa blagovremeno ne izvrše obavezu plaćanja školarine za svoje dijete preuzetu potpisivanjem Ugovora o plaćanju školarine, JU Druga gimnazija Sarajevo ne izdaje učeniku svjedodžbe/diplome o završenom razredu IB programa za koji školarina nije u cijelosti izmirena.

Član 15.

- (1) Praćenje i evidentiranje izvršenih uplata je u nadležnosti računovodstva škole, koje do 10. januara svake godine priprema pregled uplata za svakog učenika za prvo polugodište, odnosno do 10. juna priprema pregled uplata za svakog učenika za cijelu nastavnu godinu.
- (2) Pregled izvršenih uplata mora biti dostupan direktoru škole, koordinatorima međunarodnih programa i razrednicima odjeljenja. Evidencija o izvršenim uplatama se vrši odvojeno za svaku školsku godinu.

Član 16.

- (1) Ukoliko Škola donese odluku o promjeni visine školarine za pohađanje IB programa u JU Druga gimnazija Sarajevo, ta odluka se neće odnositi na učenike čiji su roditelji već potpisali dvogodišnji Ugovor o načinu plaćanja školarine.

- (2) Za sve eventualne promjene koje bi se dogodile u vezi s promijenjenim okolnostima ili načinom finansiranja IB programa roditelji će biti blagovremeno obaviješteni.

Član 17.

Stupanjem na snagu ovog Pravilnika, prestaje da važi Pravilnik o plaćanju troškova školarine učenika koji pohađaju IB MIDDLE YEARS PROGRAM I IB DIPLOMA PROGRAM U JU Druga gimnazija Sarajevo (broj: 315 od 18.05.2018. godine).

Član 18.

Ovaj Pravilnik stupa na snagu osmog dana od dana donošenja i objave na oglasnoj ploči Škole.



Predsjednik Školskog odbora

  
Taiba Purišević

Dostaviti:

1. Dosije ŠO
2. web stranica
3. a/a